



Ilinniartitaanermut, Kultureqarnermut,
Ilageeqarnermut Nunanullu Allanut
Naalakkersuisoq
lkin@nanog.gl

Ulloq: 07-10-2019
J.nr.: 01.39.01.03-00220

Ilinniartut ineqarfii pillugit Inatsisartut inatsisaattut siunnersuut UKA2019/154 pillugu allakkatigut apeqqutit

UKA2019/154-p siullermeerneqarneranut atatillugu siunnersuut ataatsimiititaliamut suliaassanngorlugu ingerlatinneqarpoq. Tassunga atatillugu siunnersuutip kinguneriumaagassai aamma siunertaata nutserneqarnera il.il. pillugit apeqqutinik arlalinnik allagaqassalluni ataatsimiititaliap pissusissamisoorsora.

Ataatsimiititaliap paasivaa, oqaaseqaatini innuttaasunut kingunerisassat allaaserineqarsimanngitsut, ukulu pineqarput:

- Qularnaveequsiissutit siunissami allannguutissaat (§ 14),
- Attartornermi akiliutinik aalajangersaaneq / atuinermi akiliutinik siunissami malittarisassat allanngornissaat
- Assersuutigalugu nammineq inigisaqaraanni malittarisassani ilinniartut inissiaannut atugassinneqarnissamut pisinnaatitaannginneq pillugu malittarisassat (§ 5)

Naak malittarisassanik atuutsitsilernissamik pisinnaatitsissut pineqaraluartoq ataatsimiititaliamit naatsorsuutigineqarpoq nalunaarutinik atulersitsinerit pillugit piareersaataasumik sulianik Naalakkersuisut maannakkut ingerlataqartut ataatsimiititaliamit naatsorsuutigineqarpoq. Tamatumunnga ilatigut pissutaavoq pisinnaatitsinerit kingunerisassai ilisimasaqarfiginagit inatsisartut pisinnaatitsinissaat naatsorsuutigineqarsinnaanngimmat.

Taamaattumik Ataatsimiititaliamit Naalakkersuisut qinnuigineqarput oqaaseqaatinut aalajangersakkanullu puereersunut ilanngullugit ataani apeqqutinut akissuteqaqqullugit:

Ilinniartut inissamik atugassinneqarnermi malittarisassat

§ 6-imi imm 1-imit oqaaseqaatini allassimavoq:

“Inissiamik pisariaqartitsinermut naleqqiullugu tamanna isumaqarpoq ilinniartut ineqarfianni najugaqartoq inissiamut allamut akisussaansoq, inissiamut allamut periarfissaqarnerisimut imaluunniit allatigut illusimaffissami pisariaqartitsinnginnerisimut pillugu ilinniartut ineqarfianni najugaqartup paasissutissiinissamut pisinnaatitaaffeqartoq, tak § 5-imi piunasaqaat.”

1. Oqaatsip "inissiamut allamut periarfissaqarnersoq" qanoq paasineqarnissaa Naalakkersuisut nassuiaqquneqarpoq, tamatumunnga ilanngullugu inissiaq qanoq ittoq pineqarnersoq.
2. Pineqartoq ilinniartut inissiaannut qinnuteqartillugu naatsorsuutigineqartariaqarpoq ilinniartoq isumaqassasoq inissaqarnermut pisariaqartitsisoq. Oqaatsip "allatigut illusimaffissami pisariaqartitsinneginnersoq" qanoq paasineqassanersoq Naalakkersuisunut nassuiaqquneqarpoq – aammalu tamatumani aalajangersakkap ilinniartumut uppersaasiinissamut pisussaaffiliinera ilanngullugu.
3. Apeqqut 1-imut 2-mullu tunngatillugu uppersaasatit suut ilinniartup saqqummiutissavai?

§ 5-imi imaattoq allassimavoq:

§ 5. *Ilinniagaqartoq illoqarfimmi ilinniagaqarfimmi allamik inimik atugassaqartitaasoq, imaluunniit aapparisaq imaluunniit inooqatigisaq suliffimminut atatillugu ineqartinneqarpat, pisinnaatitaangilaq ilinniartutut inissamik atugassinneqarnissamut, imaluunniit atugarisaminik tigumminniinnamissamik. Tamanna aamma atuuppoq sulisitsisoq sungiusaammik suliffeqarnermut atatillugu inissaqartitsippat ilinniagaqartumut, imaluunniit ilinniagaqartup ineqartinneqarnissamik pisariaqartitsinera nammineq pisariaqartitanik aallaaveqarpat.*

(Ataatsimiititaliap erseqqissaanera)

Aalajangersakkamut oqaaseqaatini ilatigut allassimavoq:

*"Aalajangersakkap assersuutigalugu ilinniartut ineqarfianni najugaqartoq ilinniartut ineqarfianni inissiami najugaqartoq peqatigisaanillu assersuutigalugu ilinniartut ineqarfianni najugaqartup allamut attartortitaanik illoqarfimmi ilinniarfeqarfiusumi inissiamik **piginnittuulluni**. Pisuni taamatut ittuni illusimaffissamik pisariaqartitsineq ilinniartup nammineq pissusiatut naatsorsuutigineqassaaq."*

4. Ilinniartup ilinniarneq aallartitsinnagu inigisani piffissami aalajangersimasumi attartugassanngortissimappagu taamaattumillu ilinniarnermi nalaani ini oqartussaaffiginagu, inissiamik **atugassaqartitaasutut** isigineqarsinnaava?

Ineqarnermut isumaqatigiissutip unitsinneqarnera atorunnaarsinneqarneralu

Ilinniagaqarnersiutit pillugit Namminersortutik Oqartussat nalunaarutaat nr. 9, ulloq 19. juli 2017-imeersuni allassimapput ilinniartunut meerartaarnermi kiisalu ilinniarnerp nalaani eminermi sulingiffeqarnermi periarfissat:

§ 24. *Ilinniagaqartoq meerartaarnerminut imaluunniit qitornavissiartaarnerminut atatillugu ilinniagaqarnersiutiminut qiortakkamik tapiliussanik pisinnaatitaaffeqarpoq, tamatumani ilinniagaqartup meeraq najugaqatigippagu aammalu eminerminut atatillugu ilinniakkaminik unitsitsigallarsimannikkuni, tak. imm. 5. Ilinniagaqartup ilinniarnermi naammassissutigisassaanik akissarsiaqarluni sungiusarluni sulinerani, ernineq qitornavissiartaarnerluunniit pippat, qiortakkamik immikkut tunniussisoqassanngilaq.*

Imm. 2. Anaanaasoq qiortakkanik 7-inik ilassutinik pisinnaatitaavoq, 9-nut annertusineqarsinnaasunik marlulisoqarsimappat.

Imm. 3. Ataataasoq qiortakkanik 3-nik ilassutinik pisinnaatitaavoq, 4-nut annertusineqarsinnaasunik marlulisoqarsimappat.

Imm. 4. Ilinniagaqartoq erninermut atatillugu ilinniakkaminik unitsitsigallernerup kingorna ilinniakkap ilusiligaanera pissutigalugu, malittarisassat ilinniakkamut atuuttut naapertorlugit ilinniakkamigut tamakkiisumik siuariartornissaminut periarfissaqarluni, ilinniakkaminut uteqqissinnaanngitsaq, ilinniarfiup inassuteqareerneratigut immikkut qiortakkanik tallimat angullugit tunineqarsinnaavoq, imm. 2-mi aamma 3-mi tapiliussat taaneqartut saniatigut piffissamut ilinniarfimmuut atugassanik.

Imm. 5. Ilinniagaqartoq erninermut atatillugu ilinniakkaminik unitsitsigallartutut isigineqassaaq, erninermut atatillugu ilinniakkamik unitsitsigallarnermi nalaani ECTS-pointit 20-t tikillugit ilinniagaqaralaruniluunniit.

§ 38. *Naartunermi ernereernermilu ilinniarnernup unitsikkallarnerani ilinniagaqartup ilaqutaasa qaninnerit najugaqarfiannut siumut utimullu Kalaallit Nunaanni akiliunneqarluni angalasoqarsinnaavoq, tak. § 7.*

5. Periarfissat § 24, imm. 1-5 imaluunniit § 38-mi allassimasut piffissami 2013-imiit 2018-imut ilinniartut qassit atorsimavaat?

§ 51, imm. 2-mi takuneqarsinnaavoq maalaarutit §§ 40, 41, 42 aamma 43 naapertorlugit pisut aalajangermimik (tunngaviatigut) atorunnaarsitsissasut. § 44, stk. 1 2-lu attartornissamut isumaqatigiissutip atorunnaarsinneqarnera tunngavigalugu nuunnermi (anisitaanermi) ima allassimasoqarpoq:

§ 44. *Naalackersuisut attartornermut isumaqatigiissut atorunnaarsippasuk, tak. §§ 42 aamma 43, taava ilinniartut ineqarfianni najugaqartoq ingerlaannartumik ilinniartut ineqarfianniit nuussaaq, aammalu ineqarnermut akiligassat akilissallugit, aningaasartuutillu allat attartornermut isumaqatigiissummumut atasut, piffissami ilinniartut ineqarfianni najugaqartup aninissaata tungaanut atuuttut, nalinginnaasumik ilisimatitsinikkut nuunnissami, tak. aamma imm. 3. Taamaattoq pisumi namminerimi naliliineq tunngavigalugu Naalackersuisut nuunnissamik kinguartitsisinnaapput ullut 5-it angullugit.*

Imm. 2. Attartornermut isumaqatigiissummik atorunnaarsitsineq pissuteqarpat aangajaarniutinik tigumiarnermik imaluunniit toqqortaqarnermik, annersaanermik imaluunniit tamanna pillugu sioorasaarinerimik, tak. § 43, imm. 1, nr. 1 aamma 3, taava Naalackersuisut piumasarisinnaavaat ilinniartut ineqarfianni najugaqartup ingerlaannartumik atulersumik ilinniartut ineqarfiat qimassagaa.

(Ataatsimiititaliap erseqqissaanera)

6. § 51, imm. 2 naapertorlugu naammagittaalliutut atuutsinneqassappat §§ 44, imm. 1 ima paasineqassaaq, § 42 tunngavigalugu nuunnermi aalajangiineq

naammagittaalliutigineqarsinnaasoq. Paasinninnermut tamatumunnga Naalakkersuisut isumaqataappat?

7. Ataatsimiititaliap maluginiarpaa danskisut allassimanerani "med øjeblikkelig virkning" aamma "straks" aalajangersakkami atorneqarmata taava oqaaseq "ingerlaannartumik" kisimi kalaallisuuani atorneqarpoq. Oqaatsit aamma aaliangersakkallu assigiinngissutaat Naalakkersuisunut nassuiaqquneqarpoq.

Attartornissamut aalajangersakkat aamma atuisut akiliutaat

Inatsisissatut siunnersuummi § 15 aamma 16-imi ima allassimasoqarpoq:

§ 15. Ilinniartunut inissiani ineqarnermut akiliut qaammammumt siumoortumik akilerneqartassaaq, tak. § 16. Qaammatikkaartumik ineqarnermut akiliutip saniatigut akilerneqartassapput kiassarnermik, innaallagissamik, gas-imik aamma imermillu atuinermut akiliutit, taamaattoq tak. § 53. Imm. 2. Atuinermut imm. 1 naapertorlugu akiliutissat ilinniartut ineqarfianni ineqartup atuinera tunngavigalugu akilerneqartarput. Ilinniartumut inigisap naammaannartuunerata kingunerippagu nalinginnaasumiit annertunerusumik inigisap assinganut atuinermut akiliuteqartoqartarnera, atuinermut akiliutissami naapertuuttumik annikilliliisoqassaaq.

§ 16. Ineqarnermut akiliutissaq aalajangersarneqartassaaq pissutsit tulliuuttut tunuliaqutaralugit, taamaattoq tak. § 53:

1) Ilinniartumut inissiap angissusia.

2) Ilinniartumut inissiaq pequsersugaanersoq pequsersugaanngi-nnersorluunniit.

3) Ineqarfimmi ineqartup, tamatumani assaaq ineqartut allat inoqutigiittut isertitaat.

Imm. 2. Ineqarnermut akiliut ukiumoortumik naleqqussarneqartassaaq, akiliutissap naleqqussarnissaanut procentimik, Inatsisartut inatsisaat maannakkorpiaq akissarsiat naleqqussarneqartamerannut naapertorlugu.

8. Pisinnaatissuummi taaneqartumi § 53-ip qaqugu atuutilernissaa Naalakkersuisunit naatsorsuutigineqarpa?
9. Ullumikkumut sanilliullugu attartortitsinermi pitsaassutsimut Naalakkersuisut qanoq naatsorsuutigineqarnerlutik nassuiaateqaqquneqarput – tamatumunnga ilanngullugit qaffariaatit appariaatillu.

Ilinniartut ineqarfiini pioreersuni atuneq atuuttoq Naalakkersuisut ilisimasaqarfigaataat ataatsimiititaliamit naatsorsuutigineqarpoq. Tamatuma saniatigut inissiani pisortat attartortittagaanni naliginnaasumik atuneq atuuttoq pillugu agguaaaseraaseq ataatsimiititaliamit ilisimaneqarpoq.

10. Qulaani pineqartut tunngavigalugit Naalakkersuisut qinnuigineqarput ilinniartut inissiaannik assigiinngitsunik atuinermut aningaasartuutissatut naatsorsuutigineqartut oqaatigeqqullugit.
11. Ilinniartut ineqarfiini pioreersuni qanoq amerlatigisuni atuinermut uuttortaatinik immikkut ikkussuisoqarsimava?

- a. Ilinniartut ineqarfiini immikkut uuttortaateqanngitsuni uuttortaasersuineq qanoq akeqassava?
- b. Suliaq tamanna qaqugu naammassissava?

Oqaaseqaatini nalinginnaasuni allassimavoq:

"Atuisup akiliisarnissaata eqqunneqarnerata aamma kingunerissavaa ilinniagaqarnersiutini akigititaasut taamaattoqassappat qaffanneqartariaqassasut, tassa ilinniagaqartut taamaanngippat ullumikkumiit aningaasanik ikinnerusunik atugassaqalissammata"

- 12. Naalakkersuisut isumaat malillugu ilinniagaqarnersiutit qaffanneqassappata, atuineq aallaavigalugu aningaasat nammineq atugassat qanoq annertutigisumik allannguuteqassappat?

Oqaaseqaatini nalinginnaasuni ima allassimavoq:

*"Tassunga ilanngutissaaq suliassap paasiuminaatsuunera, tassunga ilanngullugu soqatigisaqatigiinnik allanik qanimut suleqateqarnissamik pisariaqartitsineq, taamaattumik tulluarnepaatut nalilernerqarluni malittarisassaliorneq taanna immikkoortutut suliniutigineqassasoq maannakkut siunnersuutikkuunngitsoq. **Tamanna taamaattumik naatsorsuutigineqarpoq Namminersorlutik Oqartussat inissiaataasa kommuninut tunniunneqarnissaasa pilersaaruserinerinut atasumik immikkut sammineqassasoq.** Taamaattorli pingaartutut isigineqarluni malittarisassaliornissamut pingaamertigut tunngaviusunut Inatsisartut isummernissaat, taamaattumik taakku siunnersuummut ilanngunneqarlutik."*

(Ataatsimiititaliap erseqqissaanera)

- 13. Namminersorlutik oqartussat inissiaataasa kommuninut tunniunneqarnissaannik sulliamut atatillugu Namminersorlutik Oqartussat ilinniartunut inissiaataannik attartuinnermut atuinnermullu akiliutinik aalajangersaaneq qanoq imminnut attuumassuteqarpat? Qulaani pineqartunut tamanna qanoq isumaqassanersoq Naalakkersuisunut nassuiaqquneqarpoq.
- 14. Ilinniartunut inissiat attartornermut inatsit atuuttoq malillugu nalimmassarneqannginnerat aamma inissianut attartortakkanut attartornermut inatsit tunngavigalugu attartorneqartunut ineqarnermut tapiissutit taamaallaat tunniunneqartarmata, attartornermut akiliut qanoq annertigaluarpalluunniit ilinniartunut inissianik attartornermi ineqarnermut tapiissutinik tunniussisoqartanngitsoq eqqortuua?

Ikaarsaarnermi aalajangersakkat

Siunnersuutip § 14-ni ima allassimasoqarpoq:

*§ 14. Attartornermut isumaqatigiissuteqarnermi qularnaveeqqusiissutitut akiliutissaaq akilernerqassaaq, ilinniartut ineqarfianni ineqartup sillimmasiissutaatut ineqarfimmiit nuunnissaminut pisussaaffigiumaagaanut, **taamaattoq tak. § 53.***

(Ataatsimiititaliap erseqqissaanera)

15. § 53-imi § 14 eqqaaneqarsimanngimmat taamaattumillu 1. august 2020-imi inatsit atuutilersussaalluni ataatsimiititaliamit naatsorsuutigineqarpoq qulaani erseqqissarneqartoq kukkunerusoq. Qularnaveeqqusiisarnermut tunngatillugu malittarisassat taaneqartut qaqugu atuutilernissaat Naalakkersuisunut nassuiaqquneqarpoq?
16. Ullumikkut namminneq ineqaraluarluttilluunniit ilinniartut inissiaanik tunineqarnissamut periarfissaqarput. Taakkua ilinniartut ilinniartut inissiaanni inigisatik 2020-imi 1. april annaasussaassavaat, tassami ikaarsaariarnermi aalajangersagaliortoqarsimanngimmat. Sooq ikaarsaariarnermi aalajangersagaliortoqarsimannginnera Naalakkersuisunut nassuiaatigeqquneqarpoq.

Ilinniartut inaat pillugit 2019-imi nunap immikkoortuini pilersaarutit

“Ilinniartut inaat pillugit 2019-imi nunap immikkoortuini pilersaarutini” takuneqarsinnaavoq pilersaarusiornermut aningaasartuutit aamma nunap immikkoortuani etape 1-imut aningaasartuutit pillugit naalakkersuinikkut isumaqatigiittoqarsimasoq. Atuutsilersinneqarsimaneranut atatillugu ima allassimasoqarpoq:

”Tamatum kingorna missingersuutitut sunniuteqanngitsumik atugassanngortitsinissaq isummerfigineqassaaq, tamannalu pissaaq Aningaasaqarnermut Akileraartarnermullu Ataatsimiititaliap akuersissuteqarneratigu”¹

17. Issuaaneq tamanna Naalakkersuisunut itinerusumik nassuiaqquneqarpoq.
18. Ukiunut 10-nut tulliuuttunut 1100-nut² miss. inissaqartitsinerunissamik pisariaqartitsinermik naatsorsuuteqarsimaneq ilinniartunik avataanersunik pingaarnersiunerinnamik tunngaveqarpa?
19. Siniffissanik ujartuineq eqqortoq misissorneqarsimava – ima oqaatigalugu ilinniartut namminneq illoqarfignissamini ilinniagaqartut ilanngullugit?

Ilinniakkat nutaat aallartinneqarneri pissutaalluni ukiuni tulliuuttuni tallimani siniffissat³ 395-it pisariaqartinneqassasut nunap immikkoortuini pilersaarutini naatsorsorneqarsimavoq. Ilinniakkanut nutaanut atatillugu Ilulissani pisariaqartitsineq eqqaaneqarsimanngilaq. Taamaattoq immikkoortoq 1.2.1-imi ima allassimasoqarpoq:

”Peqatigisaanik ilinniarnissamut periarfissanik nutaanik pilersitsisoqarnikuuvoq ukiullu tulliuuttut tallimat ingerlaneranni ilinniartitaanerit nutaat pilersaarutigineqarlutik, pingaartumillu Ilulissani, Sisimiuni, Nuummi Qaqortumilu ilinniartut amerlanerulernissaat naatsorsuutigineqarluni siniffinni inissanik 395-inik pisariaqartitsineq ataatsimut missiliorneqarluni. Ilinniartitaanerit taakku nutaat

¹ Ilinniartut inaat pillugit immikkoortumut pilersaarut 2019, qupperneq 7

² Ilinniartut inaat pillugit immikkoortumut pilersaarut 2019, qupperneq 8

³ Ilinniartut inaat pillugit immikkoortumut pilersaarut 2019, tabeli 1.1

annerusumik sivikitsumik inuussutissarsiutitigut ilinniartitaanerussapput inger laqqiffiusunilu inuussutissarsiutitigut ilinniartitaanerussallutik."

(Ataatsimiititaliap erseqqissaanera)

20. Tabelini allagartalersuinernilu assigiinngissut tamanna Naalakkersuisunut oqaaseqarfigeqquneqarpoq.


Nunap immikkoortuini pilersaarut tunngavigalugu etape 1-imi sanaartorneq piffissami 2024-p⁴ tungaanut ingerlanneqassaaq. Piffissami tassani siniffeqartunik⁵ 522-t sananeqassapput. Peqatigisaanilli aningaasanik inatsisissaq 2020-imut siunnersuutini takuneqarsinnaavoq ukiuni missingersuiffiusuni 2021-2023-imi aningaasartuutissatut naatsorsuutigineqartut aamma ilinniartunut inissarsiortarneq allannguuteqassanngitsut (konto pingaarneq 40.90.15 *Ilinniartut inaannik attartortarneq*)

21. Ilinniartut inaanni attartortarnermut aningaasartuutitut Naalakkersuisut naasorsuutigisaat ima paasineqassappat, qulaani taaneqartut siniffissat etape 1-imi sanaartorneqartut 2024 sioqqullugu naammassissanngitsut?

Naalakkersuisut akissuteqaataat kalaallisut danskisullu allassimasoq ataatsimiititaliamit qilanaarineqarpoq. Akissuteqaat qarasaasiakkut ina@ina.gl-mut aamma assilineri rfr@ina.gl-mut nassiuteqquneqarpoq.

Kultureqarnermut, Ilinniartitaaneremut, Ilisimatusarnermut Ilageeqarnermullu ataatsimiititaliaq sinnerlugu

Inussiarnersumik inuulluaqqusillunga



Doris J. Jensen

Ataatsimiititamut siulittaasoq

⁴ *Ilinniartut inaat pillugit immikkoortumut pilersaarut 2019, qupperneq 21*

⁵ *Ilinniartut inaat pillugit immikkoortumut pilersaarut 2019, qupperneq 18*



Ilinniartitaanermut, Kultureqarnermut, Ilisimatusarnermut Ilageeqarnermullu
Ataatsimiititaliaq
ina@ina.gl
Assinga uunga: rfr@ina.gl

**Ilinniartut ineqarfii pillugit Inatsisartut inatsisaattut siunnersuut
UKA2019/154 pillugu Naalakkersuisunut allakkatigut apeqqutit**

16-10-2019
Sagsnr. 2017 - 24452
Dok. nr. 11790445

Postboks 1029
3900 Nuuk
Tlf: +299 34 50 00
Email: ikiln@nanoq.gl
www.nanoq.gl

Ilinniartitaanermut, Kultureqarnermut, Ilisimatusarnermut Ilageeqarnermullu
Ataatsimiititaliaq oktoberip arfineq aapaanni 2019 allakkatigut ullormi
tassanngaanneersunik apeqquteqaatinik nassiussisimavoq, Naalakkersuisut
apeqquteqarfigisimallugit Inatsisartuni oqaluuserisassaq UKA 2019/154 ilinniartut
ineqarfii pillugit Inatsisartut inatsisissaattut siunnersuut pillugu.

Ilinniartut inissaannik innersuussisarneq

§ 6, imm. 1-imut oqaaseqaatini allassimavoq:

*“Inissiamik pisariaqartitsinermut naleqqiullugu tamanna
isumaqarpoq ilinniartut ineqarfianni najugaqartoq inissiamut
allamut akisussaansoq, inissiamut allamut periarfissaqarnermoq
imaluunniit allatigut illusimaffissami pisariaqartitsinnginnermoq
pillugu ilinniartut ineqarfianni najugaqartup paasissutissiinissamut
pisinnaatitaaffeqartoq, tak § 5-imi piumasaqaat.”*

1. Oqaatsip *“inissiamut allamut periarfissaqarnermoq”* qanoq
paasineqarnissaa Naalakkersuisut nassuiaqquneqarpoq, tamatumunnga
ilanngullugu inissiaq qanoq ittoq pineqarnermoq.

Akissut:

Aallaqqaasiullugu malugineqassaaq, aalajangiussap siunertarimmagu
erseqqissaanissaq, ilinniartut inaanni najugaqartoq ilumut
ineqartinneqarnissaminut pisariaqartitsivissimanersoq, tak. § 5-imi piumasaqaat,
qulakkeerniassallugu, ilinniartuq alla ineqartinneqarnissaminut
pisariaqartitsivissimanersoq ilinniakkaminik taamaatitsiinnanginnissaa
anguniarlugu, ilinniartut inaata attartortinnissaa inummut, nammineq ineqarnermi
pilorsorsinnaasumut attartortinneqartarmat.

Tassunga atatillugu inissiap qanoq ittuunera tunngaviumik
pingaaruteqanngilaq, tassunga atatillugu pineqarsinnaammat, ilinniartut inaanni
najugaqartup namminerisaminik inimik piginnittuunera-, piginneqataanera-,
attartortuunera- imaluunniit atorfimmit ineqartitaanera illoqarfigisami ilinniarfimmi,
imaluunniit periarfissaqartoq soorlu atorfimmuq atatillugu aappap imaluunniit

inooqatip ineqartinneqarneratigut. Inigisap qanoq ittuunera taamaalilluni aalajangiisuunngilaq.

2. Pineqartoq ilinniartut inissiaannut qinnuteqartillugu naatsorsuutigineqartariaqarpoq ilinniartoq isumaqassasoq inissaqarnermut pisariaqartitsisoq. Oqaatsip "*allatigut illusimaffissami pisariaqartitsinnginnersoq*" qanoq paasineqassanersoq Naalakkersuisunut nassuiaqquneqarpoq – aammalu tamatumani aalajangersakkap ilinniartumut uppersaasiinissamut pisussaaffiliinera ilanngullugu.

Akissut:

Aallaqqaasiullugu ersarissarneqassaaq, aalajangersagaq pisussaaffiliinngimmat ilinniartumut uppersaammik takussutissamik takutitsisinissamut, kisiannili nalunaarutiginnittussaataammat. Tassani ilanngullugu, ilinniartut inaannik qinnuteqarnermi ineqartinneqarnissamik pisariaqartitsinertut isumaqanngimmat. Tamanna takuneqarsinnaavoq siunnersuutip oqaaseqaataani § 6-imi, innersuussinertaqartoq § 5-imit tassanilu oqaaseqaammi § 5-imi allassimasoq, assersuutigalugu qaqugukkut inissaqartariaqavittutut isigineqanngitsut.

Aalajangersakkap oqaatigineratuut ilinniartoq taamaallaat nalunaarutiginnittussaananik pisussaaffilermagu, ilinniartut inaannik allaffeqarfiup nalilissavaa, uppersaammik pinissaq pisariaqarnermoq, kiisalu ilinniartut inaannik allaffeqarfiup ilinniartoq paasissutissanik inissamik tunniussinissamut nalilersuutaasinnaasunik piumasaqarfigisinnaagaa imaluunniit ilinniartut inaaniiginnarnissaanut akiliuteqarnissaalu ilanngullugit. Sulisitsisumit atorfimmut atatillugu inissaqartinneqannginnermik uppersaataat, ilinniartup ilinniartut inaanni ineqartinneqartup, atorfimmit ineqartinneqarsinnaasup, qularnarunnaarsissinnaavaa, inissaqartinneqarnissamut pisariaqartitsinera.

3. Apeqqut 1-imit 2-mullu tunngatillugu uppersaataat suut ilinniartup saqqummiutissava?

Akissut:

Apeqqummut 2-mut akissummi allassimavoq aalajangersagaq uppersaatinik allagartanik piumasaqaatitaqanngitsoq, taamaallaalli ilisimatitsisussaataitaasoq. Ilinniartut inaata allaffeqarfianiit pineqartoq aalajangersimasoq malillugu kissaateqarpat, ilinniartup paasissutissiinerminut tapersiippat, apeqqummi 2-mi akissut innersuussutigineqarpoq sulisitsisumit uppersaammik pisinnaanermut. Eqqarsaatigineqarsinnaavoq aamma najugaqarnermut uppersaammik takutitsisinnaaneq. Najugaqarnermut uppersaammi takuneqarsinnaappat, illoqarfigisami ilinniarfimmi aalajangersimasumik najugaqarfeqareersoq, ilanngunneqassaaq, ilinniagaqartup illoqarfimmi ilinniarfimmimi inissaqareersoq. Najugaqarnermut uppersaataat takutissinnaammagu, pineqartup avataaniit aggersuunera siunnersuummi § 1 malillugu.

§ 5-imi imaattoq allassimavoq:

§ 5. Ilinniagaqartoq illoqarfimmi ilinniagaqarfimmini allamik inimik **atugassaqartitaasoq**, imaluunniit aapparisaq imaluunniit inooqatigisaq suliffimminut atatillugu ineqartinneqarpat, pisinnaatitaanngilaq ilinniartut inissamik atugassinneqarnissamut, imaluunniit atugarisaminik tigungminniinnarnissamik. Tamanna aamma atuuppoq sulisitsisoq sungiusaammik suliffeqarnermut atatillugu inissaqartitsippat ilinniagaqartumut, imaluunniit ilinniagaqartup ineqartinneqarnissamik pisariaqartitsinera nammineq pisariaqartitanik aallaaveqarpat.

(Ataatsimiititaliap erseqqissaanera)

Aalajangersakkamut oqaaseqaatini ilatigut allassimavoq:

"Aalajangersakkap assersuutigalugu ilinniartut ineqarfianni najugaqartoq ilinniartut ineqarfianni inissiami najugaqartoq peqatigisaanillu assersuutigalugu ilinniartut ineqarfianni najugaqartup allamut attartortitaanik illoqarfimmi ilinniarfeqarfiusumi inissiamik **piginnittuulluni**. Pisuni taamatut ittuni illusimaffissamik pisariaqartitsineq ilinniartup nammineq pissusiatut naatsorsuutigineqassaaq."

4. Ilinniartup ilinniarneq aallartitsinnagu inigisani piffissami aalajangersimasumi attartugassanngortissimappagu taamaattumillu ilinniarnermi nalaani ini oqartussaaffiginagu, inissiamik **atugassaqartitaasutut** isigineqarsinnaava?

Akissut:

Pisumi eqqarsaatigineqartumi ineqartinneqarnissamut pisariaqartitsivittoqanngilaq, ilinniagaqarniarluni qinnuteqarsimasup nammineerluni periarfissat atorsinnaasut aallaavigalugit inissaqartinneqarnissaminut pisariaqartitsinngimmat. Uani pineqartumi naliliinertut oqaatigineqassanngilaq, pineqartoq inissaqartinneqarnermoq. Aalajangiisuusorli tassaavoq, inissaqartinneqarnissamut pisariaqartitsinermi ilinniagaqarniarlut nammineq atugai, tak. § 5-imi nassuiaatigineqartumi, oqaaseqatigiinni naggammi kingullermi, oqaaseqaat kingulleq. Aamma ilanngullugu, pineqartoq illoqarfimmi ilinniarfigisami nammineq ineqarsimappat, attartortinneqartumi, imaassinnaavoq, pineqartoq illoqarfimmi nammineq najugaqartoq taamaallunilu, pineqartoq avataaneersuunani, § 1 malillugu, taamaattumillu pineqartoq ilinniartut inaanni inissaqartinneqarnissamut pisinnaatitaanngilluinnartuusoq.

**Ineqarnermut isumaqatigiissutip unitsinneqarnera
atorunnaarsinneqarneralu**

Ilinniagaqarnersiutit pillugit Namminersorlutik Oqartussat nalunaarutaat nr. 9, ulloq 19. juli 2017-imeersuni allassimapput ilinniartunut meerartaarnermi kiisalu ilinniarnerep nalaani erninermi sulinngiffeqarnermi periarfissat:

§ 24. Ilinniagaqartoq meerartaarnerminut imaluunniit qitornavissartaarnerminut atatillugu ilinniagaqarnersiutiminut qiortakkamik tapiliussanik pisinnaatitaaffeqarpoq, tamatumani ilinniagaqartup meeraq najugaqatigippagu aammalu erninerminut atatillugu ilinniakkaminik unitsitsigallarsimanngikkuni, tak. imm. 5. Ilinniagaqartup ilinniarnermi naammassissutigisassaanik akissarsiaqarluni sungiusarluni sulinerani, ernineq qitornavissartaarnerluunniit pippat, qiortakkamik immikkut tunniussisoqassanngilaq.

Imm. 2. Anaanaasoq qiortakkanik 7-inik ilassutinik pisinnaatitaavoq, 9-nut annertusineqarsinnaasunik marlulisoqarsimappat.

Imm. 3. Ataataasoq qiortakkanik 3-nik ilassutinik pisinnaatitaavoq, 4-nut annertusineqarsinnaasunik marlulisoqarsimappat.

Imm. 4. Ilinniagaqartoq erninermut atatillugu ilinniakkaminik unitsitsigallarnerup kingorna ilinniakkap ilusiligaanera pissutigalugu, malittarisassat ilinniakkamut atuuttut naapertorlugit ilinniakkamigut tamakkiisumik siuariartornissaminut periarfissaqarluni, ilinniakkaminut uteqqissinnaanngitsoq, ilinniarfiup inassuteqareerneratigut immikkut qiortakkanik tallimat angullugit tunineqarsinnaavoq, imm. 2-mi aamma 3-mi tapiliussat taaneqartut saniatigut piffissamut ilinniarfimmu atugassanik.

Imm. 5. Ilinniagaqartoq erninermut atatillugu ilinniakkaminik unitsitsigallartutut isigineqassaaq, erninermut atatillugu ilinniakkamik unitsitsigallarnermi nalaani ECTS-pointit 20-t tikillugit ilinniagaqaralaruniluunniit.

§ 38. Naartunermi ernereernermilu ilinniarnerep unitsikkallarnerani ilinniagaqartup ilaqutaasa qaninnerit najugaqarfiannut siumut utimullu Kalaallit Nunaanni akiliunneqarluni angalasoqarsinnaavoq, tak. § 7.

5. Periarfissat § 24, imm. 1-5 imaluunniit § 38-mi allassimasut piffissami 2013-imiit 2018-imut ilinniartut qassit atorsimavaat?

Akissut:

Ilisimatitsissutigineqarsinnaavoq, ilinniartuni, erninermut qitornavissartaarnermullu atatillugu ilinniagaqarnersiuteqarnerup nalaani qiornermik peqqissimasut piffissami 2013-imiit 2018-imut ataani tabel-imi takuneqarsinnaammata:

Ukioq	2013	2014	2015	2016	2017	2018
Ilinniartut	19	11	22	33	24	23

Erninermi akiliunneqarluni angalanermut apeqqummut tunngatillugu, § 38 malillugu paasissutissat aallaavigalugit, ilinniartinnit nassiunneqarsimasuni piffissami taaneqartumi ilinniartut aqqarneq marluusimapput.

§ 51, imm. 2-mi takuneqarsinnaavoq maalaarutit §§ 40, 41, 42 aamma 43 naapertorlugit pisut aalajangermik (tunngaviatigut) atorunnaarsitsissasut. § 44, imm. 1 2-lu attartornissamut isumaqatigiissutip atorunnaarsinneqarnera tunngavigalugu nuunnermi (anisitaanermi) ima allassimasoqarpoq:

§ 44. Naalackersuisut attartornermut isumaqatigiissut atorunnaarsippassuk, tak. §§ 42 aamma 43, taava ilinniartut ineqarfianni najugaqartoq ingerlaannartumik ilinniartut ineqarfianniit nuussaaq, aammalu ineqarnermut akiligassat akilissallugit, aningaasartuutillu allat attartornermut isumaqatigiissummut atasut, piffissami ilinniartut ineqarfianni najugaqartup aninissaata tungaanut atuuttut, nalinginnaasumik ilisimatitsinikkut nuunnissami, tak. aamma imm. 3. Taamaattoq plsumi namminermi naliliineq tunngavigalugu Naalackersuisut nuunnissamik kinguartitsisinnaapput ullut 5-it angullugit.

Imm. 2. Attartornermut isumaqatigiissummik atorunnaarsitsineq pissuteqarpat aangajaarniutinik tigumiarnermik imaluunniit toqqortaqaqarnermik, annersaanermik imaluunniit tamanna pillugu siorasaarinermik, tak. § 43, imm. 1, nr. 1 aamma 3, taava Naalackersuisut piumasarisinnaavaat ilinniartut ineqarfianni najugaqartup ingerlaannartumik atulersumik ilinniartut ineqarfiat qimassagaa.

(Ataatsimiittaliap erseqqissaanera)

6. § 51, imm. 2 naapertorlugu naammagittaalliut atuutsinneqassappat §§ 44, imm. 1 ima paasineqassaaq, § 42 tunngavigalugu nuunnermi aalajangiineq naammagittaalliutigineqarsinnaasoq. Paasinninnermut tamatumunnga Naalackersuisut isumaqataappat?

Akissut:

Siunnersuummi § 44, imm. 1 malillugu siunnersuummi § 42 innersuussutigalugu attartorneq atorunnaarsinneqarpat, orullutiginninnermi aalajangiinnermi malittarisassani ingerlaannartumik atuutsitsineq ilaatinneqassaaq, siunnersuummi § 51, imm. 2 malillugu. Taamaattumik inimi attartorunnaarsitsilluni aalajangiinnermut naammagittaalliorneq § 44, imm. 1 malillugu § 42 tunuliaqutaralugu unioqutitsineq anisitaanissamut ullormik kinguartitsinermik kinguneqassaaq. § 51, imm. 2-mut § 42, imm. 1-imi innersuussinnermut malugineqarnissaa anguniagaavoq, aalajangiinnermut

naammagittaalliornerup § 42-mi ingerlaannartumik atuutsitsilerneramik kinguneqassammat. Naammagittaalliorneq anisitaanissamut ullormik kinguartitsineramik kinguneqarpat attartornermik isumaqatigiisummi ilinniartut inaannit nuunnissaq atuutsinneqarsinnaangilaq, naammagittaalliornermi suliaq naammassereertinnagu. Tamassuma malitsigaa, attartornerup atuutsinnarallarnissaa, naammagittaalliuutit aalajangiiffineqareernissaanut.

7. Ataatsimiititaliap maluginiarpaq danskisut allassimanerani "med øjeblikkelig virkning" aamma "straks" aalajangersakkami atorineqarmata taava oqaaseq "ingerlaannartumik" kisimi kalaallisuuani atorineqarpoq. Oqaatsit aamma aaliangersakkallu assigiinngissutaat Naalakkersuisunut nassuiaqquneqarpoq.

Akissut:

Oqaasertaliorneq "ingerlaannartumik" § 43, imm. 1 atorineqartarpoq inimik attartornerup atorunnaarsinneqarnerani eqqartorneqartoq malillugu inatsisitigut sunniutaa, massa "erngerluni" § 44, imm. 1-imi suleriuseq atorineqartoq, uani pisumi inimit nuunnertut. § 44, imm. 2-mi oqaaseq atorineqartoq "ingerlaannartumik", taanna inatsisitigut atuutsinneqarnermut atatinneqarmat atorunnaarsitsinermi § 43, imm. 1, nr. 1 aamma 3 malillugu, naak inimit nuunnermit pineqartoq naleqqiunneqaraluartoq.

Qallunaatuaani oqariartaatsit assigiinngitsut marluk atorineqarneri taaneqartunit aallaaveqarput pisup eqqartorneranit. Oqaatsit "ingerlaannartumik" aammalu "erngerluni" assigiittut oqariartuuteqartinneqarsinnaapput ataqatigiisinnikkaanni. Taassuma aamma nassuiarpaq, sooq kalaallisut allassimasumi oqaatsit atorineqarneri.

Attartornissamut aalajangersakkat aamma atuisut akiliutaat

Inatsisissatut siunnersuummi §§ 15 aamma 16-imi ima allassimasoqarpoq:

§ 15. Ilinniartunut inissiani ineqarnermut akiliut qaammammut siumoortumik akilerneqartassaaq, tak. § 16. Qaammatikkaartumik ineqarnermut akiliutip saniatigut akilerneqartassapput kiassarnermik, innaallagissamik, gas-imik aamma imermillu atuinermut akiliutit, taamaattoq tak. § 53. Imm. 2. Atuinermut imm. 1 naapertorlugu akiliutissat ilinniartut ineqarfianni ineqartup atuinera tunngavigalugu akilerneqartarput. Ilinniartumut inigisap naammaannartuunerata kingunerippagu nalinginnaasumiit annertunerusumik inigisap assinganut atuinermut akiliuteqartoqartarnera, atuinermut akiliutissami naapertuuttumik annikilliliisoqassaaq.

§ 16. Ineqarnermut akiliutissaq aalajangersarneqartassaaq pissutsit tulliuuttut tunuliaqutaralugit, taamaattoq tak. § 53:

- 1) Ilinniartumut inissiap angissusia.

2) Ilinniartumut inissiaq pequsersugaanersoq pequsersugaannginnorsorluunniit.

3) Ineqarfimmi ineqartup, tamatumanissaaq ineqartut allat inoqutigittut isertitaat.

Imm. 2. Ineqarnermut akiliut ukiumoortumik naleqqussarneqartassaaq, akiliutissap naleqqussarnissaanut procentimik, Inatsisartut inatsisaat maannakkorpiaq akissarsiat naleqqussarneqartarnerannut naapertorlugu.

8. Pisinnaatitsissummi taaneqartumi § 53-ip qaqugu atuutilernissaa Naalakkersuisunit naatsorsuutigineqarpa?

Akissut:

Siunnersuummi oqaaseqaatini allassimasumi tamanna aatsaat pisinnaavoq, pineqartumi nalilersuineq naammassereerpat. Naalakkersuisut aamma Ataatsimiititaliaq ilanngutitinniarlugu siunniussaqaqput nalimmassaanissaq sioqqullugu.

9. Ullumikkumut sanilliullugu attartortitsinermi pitsaassutsimut Naalakkersuisut qanoq naatsorsuutigineqarnerlutik nassuaateqaqquneqarput – tamatumunnga ilanngullugit qaffariaatit appariaatillu.

Akissut:

Siunissami attartortitsinermi akinik nalimmassaanissami inimut akiliutip qaffasissusissaata qularnaarnissaa, ilinniarnermut ingerlanneqartumut naammaginnartumik atugaqarnissaaq aallaavigalugu. Allatut oqaatigalugu qularnaarneqassaaq, ilinniartut inissiaani najugaqartoq, ilinniagaqarnermusianik taamaallaat isertitaqarpat, qaqugukkulluunniit qaammammut inimut attartornermut akiliinissamut akiliisinnaassuseqarnissaa kiisalu inuuniarnermi atugassat allat ilanngullugit.

Maassakkuugallartoq, misissuinerup suli naammassinnginnerani, inimut akiliummik aalajangersimasumik innersuussinissamut periarfissaqanngilagut, taamaattumik Naalakkersuisunut pingaartuuvoq, ilinniartup inaannut akiliutissap qaqugukkulluunniit atuisunit akilerneqarsinnaanissaa. Tassunga atatillugu pingaaruteqarlunnarpoq qaffasissusaanik aalajangiinissaaq, tassani ilinniartup akiliisinnaassusaa aallaavigalugu, attartorneqartup annertussusaa, aamma ini attartorneqartoq pequtsersoriigaanersoq imaluunniit pequteqannginnersoq kiisalu inimik attartortup, uani nammineq isertitai eqqarsaatigalugit. Naak arlalinnik ataqatigiissaarinertaqaraluartoq ilaatigullu imminut aporaattunik toqqammaveqaraluartoq, pingaaruteqarpoq, najugaqartup ilinniarnermi nalaat tamaat inigisaminut akiliisinnaanissaa akiitsunik pilersitsinngikkaluarluni. Nalimmassaanermi aamma ilaavoq anguniagaqarnissaaq inuttut atukkatigut naligiisitsinerusumik ilinniartut akornanni aningaasakillioortut nukittorsarniarlugit.

Ilinniartut ineqarfiini pioreersuni atuneq atuuttoq Naalackersuisut ilisimasaqarfigaat ataatsimiititaliamit naatsorsuutigineqarpoq. Tamatuma saniatigut inissiani pisortat attartortittagaanni nalinginnaasumik atuneq atuuttoq pillugu agguaaseriaaseq ataatsimiititaliamit ilisimaneqarpoq.

10. Qulaani pineqartut tunngavigalugit Naalackersuisut qinnuigineqarput ilinniartut inissiaannik assigiinngitsunik atuinermut aningaasartuutissatut naatsorsuutigineqartut oqaatigequllugit.

Akissut:

Nuuk eqqarsaatigalugu ilinniartut inissiat ataasiakkaarlugit atuinermi, apeqqutaavoq inissiap pitsaassusaa aammalu "utoqqaassusaa" kiisalu kvm-iterinik annertussusaa, tamakku aallaavigalugit atuinert nikerarsinnaapput 95 kr.-iniit 300 kr-it angullugit ukiumut kvm.-ikkaarlugit. Uani eqqartorneqarpoq kallerup inneranik, imermik kiassarnermillu atuneq.

11. Ilinniartut ineqarfiini pioreersuni qanoq amerlatigisuni atuinermut uuttortaatinik immikkut ikkussuisoqarsimava?

Akissut:

Nalilerneqarsimavoq inissiat 85%-ii uuttortaateqartut. Imannak isumaqarpoq, atuneq inissiamut ataatsimut takuneqarsinnaasoq, kisiannili inissiat tamakkernagit/siniffiit pinnagit. Taamaalilluni ataasiakkaanut uuttortaateqanngilaq inissiat ataasiakkaarlugit massakkut ilinniartunut inissiat aallaavigalugit. Tamanna imatut paasineqassaaq, ilinniartut inaanni ineqartoq malittarisassat malillugit atuinermut akiliissanngitsaq.

- a. Ilinniartut ineqarfiini immikkut uuttortaateqanngitsuni uuttortaasersuineq qanoq akeqassava?

Akissut:

Aallaqqaasiullugu malugineqassaaq, siunnersuummi allaqqanngimmat, piumasaqaataassasoq, ataasiakkaarlugit uuttortaasersorneqarnissai, uani ilinniartut inai tamaasa eqqarsaatigalugit. Oqaaseqaatini siunnersuutip § 15, imm. 2-mi allaasimavoq: "Atuisut ataasiakkaarlugit naatsorsorneqarsinnaanngippata, atuneq naatsorsuinertit agguaqatigiissitsinikkut atuiiffimmi, ilinniartut inaata pigisaaniittunut atasut naatsorsorneqarsinnaapput. Tassunga atatillugu malittarisassanik aalajangiinissaq naatsorsuutigineqarpoq".

December 2016 Rambøll Nukissiorfimmumt nalunaarusiorsimavoq ataasiakkaarlugit kiassarnermut uuttortaait pillugit. Tamanna tunngaveqarpoq aalajangiisimanermit Inatsisartut upernaakkut UPA 2016/53 malillugu aalajangerannit.

Nalunaarusiornerup inernerisimavaa, najugaqarfinni taamaallaat, ikkussuussiffigineqarsimasuni taamaattuni, uuttoortaammik ikkussisoqarsinnaasoq,

ataasiakkaarlugit kiassarnermut uuttortaatinik atuutsilertoqassasoq. Uani sanaartukkat nutaajunerusuukkajupput roojorinik ataatsimoorfeqartut (qitiusumik agguarneqarsimasut), akerlianillu sanaartukkat nutaanngitsut katitikkanik ruujorillit (siammakkamik agguarneqarsimasut).

Rambøll-ip nalunaarusiaani allassimavoq, inuiaqatigiinnut iluaqutaasumik ataasiakkaarlugit atuisut uuttortaasersorneri inissiani qitiusumik imeqartuni- aamma kiassarnikkut agguarneqarsimasuni.

Rambøll-ip nalunaarusiaani allaqqavoq nukissiuutinut uuttortaammik ikkussineq ataaseq 4.305 kr.-inik naleqartussatut missingiunneqarsimasoq.

Sanaartukkani, ataasiakkaarlugit uuttortaaserneqarnissaannik piukkunneqanngitsuni, atuinermut naatsorsuinikkut ingerlanneqarsinnaavoq, agguaassinermi najoqqutassat ingerlanneqarnerini, soorlu inissiaqarfiit tamanut atuuttut assigalugit.

b. Suliaq tamanna qaqugu naammassissava?

Akissut:

Qulaani apeqqummut 11-mut akissummi allassimangilaq, ataasiakkaarlutik uuttortaasersorneqarnissaat. Ataasiakkaarlugit uuttortaatinik ikkussuussineq, imminut akilersinnaasutut isigineqartup, malittarisassanik aalajangersuinermi soorlu atuisup nammineq akiliuteqartarnissaanut tunngasut suliarinerini pisinnaavoq.

Oqaaseqaatini nalinginnaasuni allassimavoq:

"Atuisup akillisarnissaata eqqunneqarnerata aamma kingunerissavaa ilinniagaqarnersiutini akigititaasut taammaatoqassappat qaffanneqartariaqassasut, tassa ilinniagaqartut taamaanngippat ullumikkumiit aningaasanik ikinnerusunik atugassaqalissammata"

12. Naalakkersuisut isumaat malillugu ilinniagaqarnersiutit qaffanneqassappata, atuneq aallaavigalugu aningaasat nammineq atugassat qanoq annertutigisumik allannguuteqassappat?

Akissut:

Oqaaseqaat apeqqummi innersuussutigineqartooq, pisoq aallaavigalugu isigineqassaaq, isumaliuutigisanut ilaasimangimmat malittarisassanik aalajangiiniarnermi, ilinniartup aningaasat tigoraaannagai ikilineqartussaasut. Atuisunut akiliuteqartitsinermi anguniagaavoq ilinniartup atuinermi nammineq akisussaasuunissaata kajumissaarnissaat aamma tassuunakkut atuinermi aningaasartuutinut sipaartitsinnaaneq. Taamaattumik ilinniagaqarnersiutit qaffassinnaanerannut eqqarsaatigineqarumaarpoq. Tunngaviatigulli killeqanngilaq, allannguut qanoq angitigissanersoq, ilinniagaqarnersiutit qaffatsinnissaanut.

Oqaaseqaatini nalinginnaasuni ima allassimavoq:

*"Tassunga ilanngutissaaq suliaassap paasiuminaatsuunera, tassunga ilanngullugu soqatigisaqaqatigiinnik allanik qanimut suleqateqarnissamik pisariaqartitsineq, taamaattumik tulluarnepaatut nalilernerqarluni malittarisassaliorneq taanna immikkoortut suliniutigineqassasoq maannakkut siunnersuutikkuunngitsaq. **Tamanna taamaattumik naatsorsuutigineqarpoq Namminersorlutik Oqartussat inissiaataasa kommuninut tunniunneqarnissaasa pilersaarusiorderinut atasumik immikkut sammineqassasoq. Taamaattorli pingaartut isigineqarluni malittarisassaliornissamut pingaarnertigut tunngaviusunut Inatsisartut isummernissaat, taamaattumik taakku siunnersuummut ilanngunneqarlutik."***

(Ataatsimiititaliap erseqqissaanera)

13. Namminersorlutik oqartussat inissiaataasa kommuninut tunniunneqarnissaannik suliamut atatillugu Namminersorlutik Oqartussat ilinniartunut inissiaataannik attartuinnermut atuinnermullu akiliutinik aalajangersaaneq qanoq imminnut attuumassuteqarpat? Qulaani pineqartunut tamanna qanoq isumaqassanersoq Naalakkersuisunut nassuiaqquneqarpoq.

Akissut:

Ineqarnermut Naalakkersuisoqarfik misissuinnissamut suliaqartitsinissamik aallartitsisimavoq "Ininut programimik pilersaarummik". Anguniagaavoq misissuinnermit suliniut 4 "Inimut akiliut nalilersuinnermillu tikkuussineq ikiorsiissutit eqqarsaatigalugit, ineqarnermut immikkoortortaqaqarfup aningaasaliiffigineqartarnerata ersarinnerusumik ingerlanneqarnissaata qulakkeernissaa.

Programimik pilersaarummut pingaaruteqarpoq pilersaarutaareersunut atortussanik eqqanaarinissaq, ataavartumillu aserfallatsaalinnissaq inissianik, imminut nammattumik aningaasaliinikkut inissiat akii nammanneqarsinnaasut imaluunniit aningaasaliissuteqarnikkut. Ilimagineqarpoq, pilersaarutaareersoq, ataavartumik aserfallatsaaliineq annikinnerusumik aningaasartuutinik oqimaattorsioertitsissasoq aammalu ingerlalluarnerusumik aserfallatsaaliinernik suliniuteqartitsissasoq kingumut pineqartut eqqarsaatigalugit. Sunniutaasoq imminut nammassinnaasumik inimut akiliut tassaassaaq, aningaasaliineq aserfallatsaaliinnermut ataavartoq inissianut qulakkeerneqassasoq kingumut pineqartut ilaannut. Ilinniartitaanermut, Kultureqarnermut Ilageeqarnermullu Naalakkersuisoqarfup uani pingaartilluinnarpaa, misissuinnerit qulaani taaneqartunit misilittagarineqalersimasut siunissami akinut aalajangiinnissamut atorneqarnissaat, pilersaarutaareersoq, ataavartumik aserfallatsaaliineq aningaasartuutissanut oqinnerummat ingerlalluarnerusalluni inissianik aserfallatsaaliineq, uanilu aamma ilinniartut inissiaat ilaatilluarneqarsinnaapput.

14. Ilinniartunut inissiat attartornermut inatsit atuuttoq malillugu nalimmassarneqannginnerat aamma inissianut attartortakkanut attartornermut inatsit tunngavigalugu attartorneqartunut ineqarnermut tapiissutit taamaallaat tunniunneqartarmata, attartornermut akiliut qanoq annertigigaluarpalluunniit ilinniartunut inissianik attartornermi ineqarnermut tapiissutinik tunniussisoqartanngitsaq eqqortuua?

Akissut:

Inatsisartut inatsisaanni nr. 23, 7. december 2015-imeersumi § 1-imi allaasimavoq inini attartortakkani inimut tapit pillugit, inoqutigiinnut inimut tapi tunniunneqartartoq Inatsisartut inatsisaat malillugu, attartortakkami najugalimmut, attartornermut malittarisassat atuuttut inatsimmi malillugit. Ilanngullugu inatsisartut peqqussutaanni nr. 2, 12. maj 2015-imeersumi init attartortakka pillugit kingornalu allanngortinneqartumi allaqqavoq, inatsisartut peqqussutaanni § 3, imm. 1 nr. 3, peqqussut attartortumut atuutinngitsaq, immikkut inatsimmi nalimmassaanermi imaluunniit inini, Namminersorlutik Oqartussat kommunilluunniit ilinniartut ilinniarnernanni attartortitassanngortissimasaannut.

Ilanngulluguli malugeqquneqarpoq, apeqqummi inimut tapinut allannguutaasinnaasumi oqaaseqaatit ilanngunneqassamata siunnersuummi taaneqartut misissuinerit.

Ikaarsaarnermi aalajangersakkat

Siunnersuutip § 14-ni ima allassimasoqarpoq:

§ 14. Attartornermut isumaqatigiissuteqarnermi qularnaveeqqusiissutitut akiliutissaq akilernerqassaaq, ilinniartut ineqarfianni ineqartup sillimmasiissutaatut ineqarfimmiit nuunnissaminut pisussaaffigiumaagaanut, taamaattoq tak. § 53.

(Ataatsimiititaliap erseqqissaanera)

15. § 53-imi § 14 eqqaaneqarsimangimmat taamaattumillu 1. august 2020-imi inatsit atuutilersussaalluni ataatsimiititaliamit naatsorsuutigineqarpoq qulaani erseqqissarneqartoq kukkunerusoq. Qularnaveeqqusiisarnermut tunngatillugu malittarisassat taaneqartut qaqugu atuutilernissaat Naalakkersuisunut nassuiaqquneqarpoq?

Akissut:

Oqaaseqaatini § 14-imi allassimavoq aalajangiinermut allannguutininik annikitsunnguanik § 13-imi nalunaarummi atuuttumi, qularnaveeqqusiisarnermut tunngasumiimmata. Siunnersuummut § 14-imut innersuussineq siunnersuummi § 53-imut oqaatigineqassaaq, qularnaveeqqusiisarnerni annertussusissaa malitseqarmat pinnaatitsissummik § 18-imut kingusinnerusukkut pinnaasut, siunnersuutip oqaasertaa § 53, imm. 2 malillugu. Taamaattumik

kukkunerungilaq. Qularnaveeqqummullu akiliinermut taamaalilluni apeqqutaanani, kingorna nalimmassarneqartussamut, taamaallaalli qularnaveeqqutip annertussusaanut akiliutigineqartussamut nalimmassaatit.

Nalimmassaanerup annertussusaa qularnaveeqqummi taamaattumik oqaaseqaammi misissuineramik suliaqarnermit oqaatigineqartunit suliarineqassapput, apeqqutip nr. 8-p, qulaani taaneqartup akinera malillugu.

16. Ullumikkut namminneq ineqaraluarlutiluunniit ilinniartut inissiaanik tunineqarnissamut periarfissaqarput. Taakkua ilinniartut ilinniartut inissiaanni inigisatik 2020-imi 1. april annaasussaassavaat, tassami ikaarsaariarnermi aalajangersagaliortoqarsimanngimmat. Soq ikaarsaariarnermi aalajangersagaliortoqarsimannginnera Naalakkersuisunut nassuiaatigeqquneqarpoq.

Akissut:

Aallaqqaasiutitut ersarissarneqassaaq, ilinniartumut malittarisassat atuuttut malillugit, ilinniartut inai pillugit maleruaqqusami § 2, imm. 1 malillugu ukioq ataasiakkaarlugu attartorneqartussatut tunniunneqarsinnaammat. Taamaattumik malittarisassat atuuttut malillugit qularnaarneqarsinnaanngilaq ilinniarnermi ineqartinneqarnissaq ilinniarneq tamakkerlugu, piumasaqaatit ilinniartut inaannut initaartinneqarnissamut allanngussappata.

Inatsisitigut sunniunaa siunnersuummi § 5-imi imaassaaq, ilinniartuq, illoqarfimmi ilinniarfiusumi nammineq ineqanngitsup, ilinniartunut inissiamut pisinneqassammat, tassani ilinniartumit allamit allamik inissaqartumik najorneqartumit. Uani malugineqassaaq, ilinniartut inaanni najugalik, illoqarfimmi ilinniarfiusumi najugaqareersup, allamik aaqqiissutissamik ujartuinissaminut piffissaqassammat, siunnersuutigineqartup 1. august 2020-imi atuutsilennissaanut. Tamannali atuutissanngilaq ilinniartumut, illoqarfimmi ilinniarfigisami nammineq ineqanngitsumut, taamaattumillu ilinniartut inaanniitinneqarsinnaanissaminut neriuuteqarsinnaammat.

Naggataatigut apeqqummi isigineqassaaq kissaammut tunuliaqutaasoq nalimmassaanissamut aallarnisaanissamik asuli kinguarsaasussamut, massakkut pisumut ilanngullugu, ilinniartup allamik inissinneqarnissamik periarfissaqanngitsumut allatullu ajornartumik ilinniakkaminik taamaatitsiinnartariaqartumut. Taamaattorli maluginiaqquneqarpoq assigiimmik atugassaqartitsiniarneq aamma atuummat, anisitsisinnaaneq inimik allamik pissaqarneranit ilaatigut tunngaveqarpat naammagartumik ilinniartut inaanni najugalimmiittumut, illoqarfimmi ilinniarfimmi allamik inissaqartumut. Tassani aamma atuupput pissutsit piffissami pisumi inigisaminut nuunnermut atatillugu.

Ilinniartut inaat pillugit 2019-imi nunap immikkoortuini pilersaarutit

“Ilinniartut inaat pillugit 2019-imi nunap immikkoortuini pilersaarutini” takuneqarsinnaavoq pilersaarusernermut aningaasartuutit aamma nunap

immikkoortuani etape 1-imut aningaasartuutit pillugit naalackersuinikkut isumaqatigiittoqarsimasoq. Atuutsilersinneqarsimaneranut atatillugu ima allassimasoqarpoq:

"Tamatum kingorna missingersuutitut sunnuteqanngitsumik atugassanngor-titsinissaq isummerfigineqassaaq, tamannalu pissaaq Aningaasaqarnermut Akileraartarnermullu Ataatsimiititaliap akuersissuteqarneratigu"

17. Issuaaneq tamanna Naalackersuisunut itinerusumik nassuiaqquneqarpoq.

Akissut:

Kontomi pingaarnermi 84.40.15-imi akuersissutit suliniutinut illikartinneqarsimapput aningaasartuutissanullu etape 1-imi ilinniartut inaannik immikkut pilersaarutinut suliariumannittussarsiuussereersimanissamut ilinniartut inaannik sanaartornissamut. Taamaattumik innersuussutigineqarpoq, aningaasaliinissaq pisariaqartinneqassappat aningaasartuutit suliariumannittussarsiuussereernerup kingorna aningaasartuutigineqartussanut, immikkut tapiiffigineqarnissamut qinnuteqartoqartariaqarnissamut.

18. Ukiunut 10-nut tulliuttunut 1100-nut miss. inissaqartitsinerunissamik pisariaqartitsinermik naatsorsuuteqarsimaneq ilinniartunik avataanersunik pingaarnersiuerinnarmik tunngaveqarpa?

Akissut:

Missingiinermi suli 1.100-t missaannik siniffissanik pisariaqartitsisoqarnissaanut ukiuni qulini tulliuttuni aallaavigineqarpoq, ilinniartut ilinniakkaminnik unitsitsiinnartartut ikiliartormata, taamaalilluni, ilinnartut amerlaningorsimallutik. Taassuma saniatigut missingiunneqartoq aallaaveqarpoq amerlassutsit allattorsimaffiannit Kalaallit Nunaanni Nalunaarsuiffimmit kiisalu pitsaassutsit amerlassutsillu allattorsimasut ilinniartut Ineqarfii pillugit allaffissornikkut Immikkoortortaqarfimmit (KAF) pineqarsimasut aallaavigalugit aamma ataaniittut ilinniarfiit allat ilanngullugit.

19. Siniffissanik ujartuineq eqqortoq misissorneqarsimava – ima oqaatigalugu ilinniartut namminneq illoqarfigisamini ilinniagaqartut ilanngullugit?

Akissut:

Ilinniartut inaannik nutaanik pisariaqartitsinerup annertussusaa qulaajarniarlugu 2016-imi pisariaqartitat misissorniartugit suliaqartoqarsimavoq, kingullermik 2019-imi nutarterneqartumik, siunnersortimik suleqateqarluni suliarineqarsimasumit. Misissuinerup imarivaa ilinniartut inaannik pisariaqartitsisinnaanermut naatsorsuutigineqartut ukiuni qulini tullerni aggersuni. Misissuineq amerlassutsinik allattuinermit Kalaallit Nunaata Nalunaarsuiffianeersunit aallaaveqarput aammalu amerlassutsit allattorsimaffiannit aaneqarsimallutik ilinniartut Ineqarfii pillugit allaffissornikkut

Immikkoortorta qarfiimmit (KAF) pineqarsimasut aallaavigalugit aamma ataaniittut ilinniarfiit allat ilanngullugit.

Pisariaqartitsinermut misissuineq suliarineqarsimavoq inatsisit atuuttut aallaavigalugit, ilinniartut, nammineq illoqarfimmini atuartut tunulluunneqarsimallutik taamaattumillu ilanngunneqarsimanatik. Tassunga ilaatinneqassaaq nalinginnaasumik akisussaassuseqarnermit- aamma suliassat agguataarnerinit Namminersorlutik Oqartussat kommunillu akornini, Namminersorlutik Oqartussat nuna tamakkerlugu ilinniartunik salliutitsimmat, kommunilli nammineq innuttami soqutigisaat aallaavigimmagu.

Ilinniakkat nutaat aallartinneqarneri pissutaalluni ukiuni tulluuttuni tallimani siniffissat 395-it pisariaqartinneqassasut nunap immikkoortuini pilersaarutini naatsorsorneqarsimavoq. Ilinniakkanut nutaanut atatillugu Ilulissani pisariaqartitsineq eqqaaneqarsimanngilaq. Taamaattoq immikkoortoq 1.2.1-imi ima allassimasoqarpoq:

*“Peqatigisaanik ilinniarnissamut periarfissanik nutaanik pilersitsisoqarnikuuvoq ukiullu tulluuttut tallimat ingerlaneranni ilinniartitaanerit nutaat pilersaarutigineqarlutik, **pingaartumillu Ilulissani, Sisimiuni, Nuummi Qaqortumilu ilinniartut amerlanerulernissaat naatsorsuutigineqarluni siniffinni inissanik 395-inik pisariaqartitsineq ataatsimut missiliorneqarluni. Ilinniartitaanerit taakku nutaat annerusumik sivikitsumik inuussutissarsiutitigut ilinniartitaanerussapput inger laqqiffiusunilu inuussutissarsiutitigut ilinniartitaanerussallutik.**”*

(Ataatsimiittaliap erseqqissaanera)

20. Tabelini allagartalersuinernilu assigiinngissut tamanna Naalakkersuisunut oqaaseqarfigeqquneqarpoq.

Akissut:

Erseqqissarneqassaaq, allassimasut tabel-illu akornini imminnut naapertuutinngitsoqanngimmat. Illoqarfinni ilinniarfeqarfiusuni tamani atuarfeqartuni naatsorsuutigineqartarpoq, Inatsisartut inatsisaat nr. 10, 19. maj 2010-meersoq malillugu inuussutissarsionermik ilinniarfinni pikkorissarnernilu inuussutissarsionermi ilinniarfiit ataanni ingerlanneqartuni, ilinniarnert suliffissaqartitsinermut attuumassuteqartut pisariaqartinneqartullu akuerisarimmagit. Apeqqummi 21-mi akissummi allassimasumi, siunnersorti suliaqarsimavoq pisariaqartinneqartut misissuiffigalugit akuleriisillugit pitsaassutsit amerlassutsillu allattorsimasut Ilinniartut Ineqarfii pillugit allaffissornikkut Immikkoortorta qarfiimmit (KAF) pineqarsimasut aallaavigalugit aamma ataaniittut ilinniarfiit allat ilanngullugit. Ilulissani Qaqortumilu ilinniarfiit paasissutissanik tunniussisimapput, nutaanik ilinniarfinnik pilersitsineri ilinniartut inissaannik qaavatigut pisariaqartitsisoqanngitsoq.

Nunap immikkoortuini pilersaarut tunngavigalugu etape 1-imi sanaartorneq piffissami 2024-p tungaanut ingerlanneqassaaq. Piffissami tassani siniffeqartunik 522-t sananeqassapput. Peqatigisaanilli aningaasanik inatsisissaq 2020-mut siunnersuutini takuneqarsinnaavoq ukiuni missingersuiffiusuni 2021-2023-imi aningaasartuutissatut naatsorsuutigineqartut aamma ilinniartunut inissarsiortarneq allannguuteqassanngitsut (konto pingaarneq 40.90.15 *Ilinniartut inaannik attartortarneq*)

21. Ilinniartut inaanni attartortarnermut aningaasartuutitut Naalakkersuisut naatsorsuutigisaat ima paasineqassappat, qulaani taaneqartut siniffissat etape 1-imi sanaartorneqartut 2024 sioqqullugu naammassissanngitsut?

Akissut:

Tabel-imi 1.7-imi takuneqarsinnaavoq, sanaartornerup piffissami ingerlanerani etape 1-imi naatsorsuutigineqartuq marts 2024-mi naammassineqarnissaannik. Etape 1 suli utaqqineqarmat, suliniutinik aqqiissutissanik kiisalu tuniniaaneq, sulliariumannittussarsiuussineq isumaqatigiisummillu atsioqatigiinnissap naammassineqarnissaanut Naalakkersuisoqarfik taamaattumik massakkuugallartoq akissuteqarsinnaanngikkallarpoq, qaqugu etape 1-imi immikkuutaartut sanaartorlugit naammassineqarnissaannut. Ilinniartut inaannik sanaartornissamut pilersaarut allagartaavoq uppersarsaat ingerlaavartoq, ingerlaavartumik nutarterneqartoq, aamma taamaattumik sanaartornerit inaarsarneqarnerini eqqornerusumik piffissami aggersumi sanaartornissamut pilersaarutiniikkumaartoq.

Inussiarnersumik inuulluaqqusilluta
Med venlig hilsen


Ane Lone Bagger